

an
post

Naíonáin Shóisearacha agus Shinsearacha Cothú an Phobail



An gcreideann tú go bhfuil sé ar ár gcumas todhchaí níos gile a fhás? Rud éigin níos úire, níos bríomhaire, domhan níos sona? Aithníonn An Post go bhfuil an cumas i ngach duine againn athrú dearfa a chothú agus a fhás dár bpobail agus don domhan.

Samhlaigh todhchaí ina mbeidh ár n-iarrachtaí comhchoiteanna cosúil le síolta a chuirtear in ithir ár bpobal. I mbliana tugaimid do dhúshlán gníomhartha dearfa a roinnt a chuirfidh feabhas ar phobail na hÉireann don todhchaí. Ní focail ar pháipéar amháin atá i gceist, ach céimeanna inbhraite a dhéanfaidh difríocht.

Ionchuimsitheacht a chothú do dhaoine scothaosta agus soghonta sa phobal, prionsabail laghdú, athúsáid agus athchúrsáil a spreagadh, spásanna don phobal ar nós gairdíní agus leabharlanna a bhunú, mar shamplaí, nó clubanna a thosú le haghaidh spóirt agus caitheamh aimsire, táimid ag súil le bhur dtuairimí chun athrú dearfa a dhéanamh sa bhfíorshaol. Teastaíonn scéala uainn faoi thograí beaga agus móra a chosnaíonn agus a fheabhsaíonn ár bpobail.

Bí linn ar an iarracht seo mar sin, chun cur le fás, folláine agus inbhuanaitheacht ár dtíre dhil, Éire. Cuirimis na síolta don todhchaí is féidir linn a mhúnlú agus a bheith bródúil aisti.



Comórtas Scríbhneoireachta An Post

Comhlánaigh na céimeanna a leanas chun páirt a ghlacadh sa Chomórtas Scríbhneoireachta, “Cothú an Phobail”. Cabhrófar le do dhaltaí sna leathanaigh seo a n-iontrálacha féin a chruthú.

Céim 1: Fiosraigh conas is féidir linn gníomhú chun pobail ionchuimsitheacha, combhácha inbhuanaithe a thógáil.

Úsáid an Treoir don Mhúinteoir ar na leathanach a leanas chun ceisteanna tábhachtacha maidir le tionchar dearfa pobail a fhiosrú.

Céim 2: Nod Scríbhneoireachta

Léigh an Litir Shamplach thíos. Iarr ar na daltaí an teimpléad scríbhneoireachta a úsáid chun a litreacha féin a scríobh faoin gcaoi a dhéanann siad a bpobail a chothú don todhchaí. Is féidir leo pictiúr a chur lena litir freisin, chun a smaointe a léiriú dúinn!

Céim 3: Seiceáil do chuid Oibre

Spreag na daltaí chun ár seicliosta lámhscríbhneoireachta a úsáid chun eagarthóireacht a dhéanamh ar a saothar féin.

Step 4: Seol isteach é!

- Líon isteach foirm iontrála le haghaidh gach dalta agus greamaigh an chóip lámhscríofa lena n-iontráil.
- Seol é chuig:
Comórtas Scríbhneoireachta An Post Bosca OP 13287
Saorphost FDN7461
Baile Átha Cliath 1
- Is é an **22 Márta 2024** an spriocdháta iontrála.



Tá súil againn go bhfuil lúcháir ort a bheith páirteach i gComórtas Scríbhneoireachta An Post. Tá Treoir don Mhúinteoir curtha le chéile againn chun cabhrú leat scríobh litreacha a éascú i do rang.

1. Réamhrá

- Taispeáin na sleamhnáin do na daltaí agus cuir ceisteanna spreagtha orthu. Féadfaidh na daltaí smaointe a mhalartú i bpéirí agus b'fhéidir go mbeadh corr-nod ag teastáil uathu.
 - Cad is brí le 'pobal'.
 - Cad iad na pobail a mbaineann tú leo? (Smaoinigh ar do bhaile, do chlubanna, na háiteanna a dtaitníonn sé leat cuairt a thabhairt orthu)
 - Cad a thaitníonn leat faoi do phobail?
 - Conas a thugann tú cosaint nó aire do do phobal?
 - Cad a mhothaíonn tú faoi a bheith páirteach i bpobal?
 - Cén fáth go bhfuil sé tábhachtach a bheith i bpobal?
- An chéad sleamhnán eile:**
 - Cad atá á dhéanamh ag fear an phoist?
 - Cad atá ag tarlú don charr?
 - Cén fáth go bhfuil straois ar an mbean?
 - Meabhraigh do na daltaí go bhfuil sé tábhachtach pobal a thógáil mórthimpeall orainn, mar atá á dhéanamh ag fear an phoist agus litreacha á seachadadh aige.
- Mínigh cuid de na focail thábhachtacha do na daltaí:**
 - Cothú:** "grá, aire, agus aird a thabhairt chun cabhrú le rudaí, daoine nó pobail fás agus a bheith sona".
 - Pobal:** "grúpa daoine a chónaíonn i gceantar ar leith nó a bhfuil spéiseanna i gcoiteann acu, ar nós an spóirt a imríonn siad."
 - Inbhuanaithe:** "aire a thabhairt dár bpláinéad, an Domhan, ionas go mbeidh sé folláin go ceann i bhfad".
 - Laghdú, Athúsáid, Athchúrsáil:** "bealaí le bheith níos cineálta don Domhan agus dramhaíl a laghdú".
 - Bithéagsúlacht:** "na plandaí agus na hainmhithe éagsúla a mhaireann sa dúlra."
 - Éagsúlacht:** "cairde a bheith agat atá difriúil óna chéile ar bhealaí maithe".

- Ionchuimsiú:** "a bheith cinnte go mbíonn deis ag gach duine a bheith páirteach agus imirt le chéile"
- Pléigh** (mar rang iomlán, i ngrúpaí nó i bpéirí) na pictiúir a fheiceann na daltaí ar na sleamhnáin a leanas. Spreag plé ar na híomhánna, úsáid iad mar spreagadh agus chun tuiscint na ndaltaí ar na hábhair a mheas. Fiosraigh agus cuir ceisteanna de réir mar is gá chun a dtuiscint agus a léamh ar an ngá atá le pobail ionchuimsitheacha comhbhácha a chothú a dhoimhniú.

Léamh agus Scríobh

- Léigh an litir shamplach do na daltaí. Más féidir, taispeáin dóibh é chomh maith ag an am céanna, chun go bhfeicfidh siad leagan amach na litreach.
- Cuir ceisteanna ar na daltaí faoin litir ar shleamhnáin:
 - Cad iad na smaointe atá ag Seibí ina litir?
 - Cén fáth go dteastaíonn uaidh go n-inseimis do dhaoine eile, meas tú?
 - An bhfuil aon smaointe eile agat?
 - Cé eile a bheimis in ann a spreagadh le bheith páirteach?
 - Conas is féidir leat do phobail a chothú?
- Iarr ar na daltaí litir a chumadh ina bpléitear na bealaí ar féidir linn tograí a chothú agus pobail inbhuanaithe, ionchuimsithe, comhbhácha a chur chun cinn don todhchaí.**
- Iarr ar na daltaí an teimpléad atá tugtha a úsáid chun a litir a scríobh.
- Iarr ar na daltaí a litreacha a sheiceáil iad féin, leis an seicliosta scríbhneoireachta atá tugtha.

3. Iontráil a Chur Isteach

- Scríobh an leagan deireanach den litir sa teimpléad atá tugtha. Is féidir cóipeanna a dhéanamh de na litreacha ionas go mbeidh daltaí in ann iad a thaispeáin sa seomra ranga nó a roinnt lena dtuismitheoirí.
- Comhlánaigh an fhoirm iontrála agus cuir na hiontrálacha chuig an seoladh ar leathanach 1 den cháipéis seo.



**Litir Shamplach**

Léigh agus pléigh an litir thíos. Smaoinigh ar ghníomhartha is féidir a dhéanamh chun pobail a chothú, bunaithe ar litir Sheibí.

A Chailíní agus a Bhuachaillí,

25/02/24

Conas atá sibh? Seibí is ainm domsa agus tá mé ag scríobh chugaibh faoi rud iontach - cothú mo phobail! Ciallaíonn "cothú" grá, aire agus aird a thabhairt do mo phobal ionas go mbeidh rath air sa todhchaí.

Ar dtús - tá draíocht san athchúrsáil! Ciallaíonn sé rud nua iontach a dhéanamh as seanrudaí. Le chéile is féidir linn a bheith inár laochra athchúrsála! Cuir an páipéar atá úsáidte agat san araid athchúrsála agus tabhair buidéal ghloine chuig banc buidéal in aice le do bhaile. I mo scoil féin, rinne muid athchúrsáil ar chartáin uibheacha mar mhaisiúcháin don seomra ranga.

Is focal mór é inbhuanaitheacht, ach ciallaíonn sé a bheith deas le chéile agus leis an Domhan. Tá Club Inbhuanaitheachta againn ar scoil le smaointe a mhalartú chun pobal na scoile go léir a fheabhsú. Mar shampla rinne muid póstaer le "Laghú, Athúsáid agus Athchúrsáil" a mheabhru do chách, agus chroch muid timpeall na scoile iad, agus tugaimid cuairt ar theach altranais áitiúil chun scéalta a mhalartú le daoine scothaosta a chónaíonn ann. Thug mé cuntas do bhean ghalánta faoi chlub CLG an bhaile agus conas a imrímid cluichí gach seachtain a thugann na comharsana go léir le chéile, agus d'inis sise scéal a beatha domsa!

Is féidir linn go léir roghanna a dhéanamh chun domhan níos gile agus níos áille a chruthú. Tá gairdín ag ár bpobal áitiúil ina gcuirimid síolta beaga bídeacha - tá mé ag súil go mór leis na bláthanna a fhásfaidh astu a fheiceáil! Is dócha go bhfuil gach gníomh a dhéanaimid mar sin - cuirimid síolta an athraithe agus feicimid iad ag fás i bpobal atá níos fearr fós! Is féidir linn pobal ionchuisitheach, comhbhách, agus inbhuanaithe níos fearr a chothú má dhéanann muid go léir ár gcion.

Bímis ag caint lenár gcomharsana, ár gcairde agus ár dteaghlach faoinár bpobail a chothú. B'fhéidir go bhfuil smaointe agaibh faoin gcaoi a bhféadfaimis ár bpobail a fheabhsú agus an scéal a scaipeadh chuig daoine eile. Má tá, cuirigí in iúl iad!

Tá mé ag súil go mór le bhur dtuairimí,
Seibí Inbhuanaithe



an
post

Mo Litir



Is féidir linn a bheith cineálta lenár bpobail mar seo...

Is féidir liom an teachtaireacht a roinnt mar seo...

- Scríobh mé le mo lámhscríbhneoireacht is fearr agus d'úsáid mé spásanna.
- D'úsáid mé ceannlitreacha ag tús gach abairte.
- Chuir mé an comhartha poncaíochta ag deireadh gach abairte.
- Rinne mé mo dhícheall agus na focail á litriú agam.
- Rinne mé mo dhícheall!

an
post

Tarraing pictiúr
don litir anseo

